



Inatsisartunut ilaasortaq  
Vivian Motzfeldt  
-/Maani

**Namminersornerullutik Oqartussat nalunaarutaanni nr. 15, 13. september 2006-imeersumi § 7, imm. 2 naapertorlugu kigutigissarnikkut sullissisarneq pillugu § 37 naapertorlugu apeqqummut allakkatigut akissut.**

11. februar 2015  
Sagsnr. 2015-110486  
Dok. Nr. 1851666

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

Kalaallit Nunaanni kigutit nakorsaasa sullissisarnerat pillugu apeqqutinnut Inatsisartunut Inatsisartunut ilaasortaq, Vivian Motzfeldt, qujanaq

**1.**  
**Nunatsinni illoqarfimmiit illoqarfimmut kigutigissarnikkut sullissinerit qanoq assigiinngitsigisumik ingerlanneqarnerat Peqqinnissaqarfimmiit nakkutigeqqissaarneqarpa?**

Sumi najugaqarneq apeqqutaatinnagu Kalaallit Nunaanni assigiimmik kigutigissaasoqartinniarlugu nuna tamakkerlugu nunaqarfiit ukiumut minnerpaamik ataasiarluni nunaqarfiillu anginerusut ukiumut marloriarluni tikiqqartarput, taamaalluni innuttaasut kigutileriffeqanngitsuni najugaqartut kigutigissarneqarnissamik periarfissaqarput.

Kalaallit Nunaanni innuttaasut nalunaarummi § 3 malillugu kigutigissarnissamik neqeroorfigineqartarput, tassani meeqqat inuusuttullu pingaartinneqartorujussuullutik, pingaartumik peqqissutsimik siuarsaaniarluni suliniutit eqqarsaatigalutik.

Kalaallit Nunaanni kigutigissaavik Kalaallit Nunaanni kigutigissaaviup Caries pillugu periusissiaa malillugu ukioqatigiinnut aalajangersimasunut suliniuteqartarpoq, tassaallutik arfineq pingasunik, 14-inik 26-nillu qaammatillit aamma pingasunik, arfinilinnik, qulingiluanik, aqqaneq marlunnik 15-inillu ukiullit. Ukioqatigiit allat nalunaarummi § 4, imm. 2-mi allaaserinninnertut taamatut neqeroorfigineqartarput.

Aalajangersimasumik atorfilinnik kigutit nakorsanik sulisoqarnissaq anguniarneqarpoq, tassunga taarsiunneqartarluni kigutigissaanissaq ingerlatiinnarniarlugu kigutit nakorsai taartaasartut atorfinitsinneqartarlutik.

**2.**  
**§ 7-imi inuit allat taaneqartut kikkeugamik?**

Nalunaarummi aalajangersarneqarpoq kigutigissaavik meeqqanut atuartunullu tamanut, inuusuttunut 20-t tikillugit ukiulinnut kiisalu inunnut timikkut tarnikkulluunniit annertuumik innarluuteqartunut kigutigissaanissamik aqqissuussamik neqerooruteqartoqartassasoq.

Aaqqissuussamik kigutigissaanissamik neqeroorfigineqarneq ajortut tassaapput inuusuttut 20-t sinnerlugit ukiullit inersimasullu, taakkuuppullu innuttaasutut allatut § 7-imi eqqartorneqartut.

**3. Kigutaasat imaaliallaannaq peerneqarsinnaanngitsut nalinginnaasumik neqeroorummut ilaatinneqanngillat, peqqissaaveqarfiulli nukissai tamatumunnga naammappata neqeroorutigineqarsinnaallutik. Kigutigissaavinni qaqugukkut nukissat naammalersamik, imaluunniit qanoq iliornikkut naamalersinnaagamik?** Kalaallit Nunaanni kigutigissaaviup kigutaasanik imaaliallaannaq peerneqarsinnaanngitsunik neqerooruteqartannginneranut arlalinnik peqquteqarpoq. Taamatut sullinnissamik neqerooruteqarnissamut kigutit nakorsaasa amerlassusiisa taamatut pisariaqartitsineq matussusersinnaanngilaat. Tamassuma saniatigut kigutaasat imaaliallaannarluni peerneqarsinnaanngitsut kigutit nakorsaasa nalinginnaasut suliarisinnaanngilaat, tassa taamatut suliaqarnissamut ilinniaqqinissaq pisariaqarmat.

Kigutaasanik imaaliallaannarluni peerneqarsinnaanngitsunik suliaqartarneq kigutigissaanermut aningaasatigut maannakkut sinaakkutit matussusersinnaanngilaat.

**4.**

**Kikkut periarfissamik tamatuminnga atuisinnaappat aamma akiliuteqartarpat?**

Kigutigissaaviup neqeroorutaasa ilaattut kigutaasanik imaaliallaannaq peerneqarsinnaanngitsunik neqerooruteqartoqarneq ajorpoq. Aalajangerneqarnikuuvoq kigutit nakorsaasa suliaqartarnerat innuttaasunut akeqassanngitsaq.

**5.**

**Innuttaasut periarfissaq taamak tunngavilersugaq qaqugu atulersinnaassavaat?**

Kigutigissaasarnermik neqeroorutit allanngortinneqarnissaannik maannakkut pilersaaruteqartoqanngilaq.

Kigutigissaasarnermi neqeroorutit ilaattut kigutigissaavik taamatut neqerooruteqartassappat (kigutaasanik imaaliallaannaq peerneqarsinnaanngitsunik) uku pisariaqarput:

- Kigutit nakorsaat suliarinnittartut kigutigissaanermilu assistentit amerlanerusut
- Init suliarinnittarfiit allilerneqarnerat – sinerissami tamarmi kigutigissaaviit anginerusut
- Kigutigissaanissamik neqeroorutit innuttaasunut akeqassanngippat kigutigissaavinnut ataasiakkaanut aningaasaliissutit amerlanerusut
- Taamatut suliaqartoqarsinnaalersinniarlugu kigutit nakorsaannik sulisunillu allanik ilinniartitseqqinneq

Inussiarnersumik inuulluaqqusillunga

Martha Lund-Olsen